





**40 HADITHE  
RRETH KËRKIMIT TË FALJES  
DHE PENDIMIT**

**Tiranë, 2023**

**Titulli i librit: 40 hadithe rreth kërkimit të  
faljes dhe pendimit**

I përzgjedhi dhe i përktheu:

**Haxhi Shejkh Vullnet Merja**

Redaktoi: **Jerida Kulla**

Korrekttoi: **Vjollca Karaj**

Përkujdesja kompjuterike & kopertina:

**Sabrie Feza**

Botoi: **Shoqata "Flladi"**

***Me emrin e Allahut, të Gjithëmëshirshmit,  
Mëshirëplotit!***

*Falënderimet i takojnë Allahut të Madhëruar!  
Paqja e bekimi i Allahut qoftë mbi Profetin  
Muhamed, mbi familjen e tij të pastër dhe mbi  
shokët e tij të zgjedhur!*

I Dërguari i Allahut, vula e  
profetëve, Profeti Muhamed (*Paqja e bekimi  
i Allahut qoftë mbi të dhe mbi familjen e tij!*), si

dhe Ehli Bejti i tij i pastër (*Paqja qoftë mbi ta!*), na kanë lënë një trashëgimi madhështore, thëniet e tyre të bekuara, të cilat përfshijnë të gjithë jetën e njeriut. Nëse njeriu interesohet për to, i lexon, i kupton dhe i zbaton në jetën e tij të përditshme, do të arrijë në përfundimin bindës se këto thënie të begata i sigurojnë atij lumturinë në të dyja jetët.

Profeti Muhamed (*Paqja e bekimi i Allahut qoftë mbi të dhe mbi familjen e tij!*) dhe Ehli Bejti i tij na nxisin t'i mësojmë përmendësh hadithet e tyre, me qëllim që

të bëhen pjesë e kulturës dhe e dukatës sonë dhe me anë të tyre, të afrohemi tek Allahu i Madhëruar. Kjo gjë ka shumë dobi për besimtarin në Jetën Tjetër.

Në një hadith të ardhur nga Imam Sadiku (*Paqja qoftë mbi të!*), thuhet: “Ai që mëson përmendësh dyzet hadithe, Allahu do ta ringjallë në Ditën e Kiametit të ditur dhe jurist (*fakih*)”.

Bazuar në këtë vlerë dhe pasuri të trashëguar nga Profeti Muhamed (*Paqja e bekimi i Allahut qoftë mbi të dhe mbi familjen e tij!*) dhe Ehli Bejti, shoqata “Filladi” ka

grumbulluar, ka përzgjedhur dhe ka përkthyer në gjuhën shqipe **“40 hadithe rreth pendimit (et teubetu)”**.

Allahu na mbarësoftë të gjithëve në ruajtjen dhe përhapjen e kësaj trashëgimie të vyer e të begatë të Profetit Muhamed (*Paqja e bekimi i Allahut qoftë mbi të dhe mbi familjen e tij!*) dhe familjes së tij të pastër.



## PENDIMI DHE KËRKIMI I FALJES

### Urtësia e pendimit dhe e kërkimit të faljes

Shpresa luan rol të madh në gjallërinë shpirtërore të myslimanit. Feja e pastër islame ka hapur dyert e pendimit dhe të kërkimit të faljes për gjynahqarët dhe mëkatarët, që ata të kthehen te Krijuesi i tyre dhe t'i kërkojnë falje Atij për gjynahet dhe mëkatet që kanë bërë dhe kurrë të mos

e humbin shpresën nga mëshira dhe falja e Allahut.

Në Kur'anin e shenjtë thuhet:

{وَلَوْ أَنَّهُمْ إِذْ ظَلَمُوا أَنفُسَهُمْ جَاءُوكَ فَاسْتَغْفَرُوا اللَّهَ وَاسْتَغْفَرَ لَهُمُ  
الرَّسُولُ لَوَجَدُوا اللَّهَ تَوَّابًا رَحِيمًا}

**“Në qoftë se ata, kurdo që ta ngarkonin veten (me gjynahe), të vinin te ti për t’i kërkuar falje Allahut dhe i Dërguari t’i lutej Allahut për shfajësimin e tyre, do ta**

vërenin, se Allahu, me të vërtetë, është  
Pranues i pendimit dhe Mëshirëplotë”.<sup>1</sup>

Dhe:

وَالَّذِينَ إِذَا فَعَلُوا فَاحِشَةً أَوْ ظَلَمُوا أَنْفُسَهُمْ ذَكَرُوا اللَّهَ فَاسْتَغْفَرُوا  
لِنُفُوسِهِمْ وَمَنْ يَغْفِرِ اللَّهُ لَهُمْ لَنْ يُعَذِّبَهُمُ اللَّهُ بِمَا فَعَلُوا وَهُمْ  
يَعْلَمُونَ أُولَئِكَ جَزَاءُ هُمْ مَغْفِرَةٌ مِنْ رَبِّهِمْ وَجَنَّاتٌ تَجْرِي مِنْ تَحْتِهَا الْأَنْهَارُ  
خَالِدِينَ فِيهَا وَنِعْمَ أَجْرُ الْعَامِلِينَ {

“Për ata që, kur bëjnë vepra të turpshme  
ose i bëjnë dëm vetes, e kujtojnë Allahun,  
i kërkojnë falje për gjynahet e tyre - e

---

<sup>1</sup> Sure “En Nisa”, ajeti 64.

**kush i fal gjynahet përveç Allahut? - dhe nuk ngulmojnë me vetëdije në gabimet që kanë bërë, pra, për këta do të ketë si shpërblim falje madhështore (të gjynaheve) nga ana e Zotit të tyre dhe kopshte, nëpër të cilët rrjedhin lumenj dhe ku do të qëndrojnë përherë. Sa shpërblim i bukur është ky për ata që punojnë (vepra të bukura)!”<sup>2</sup>**

Sheriati islam i nxit besimtarët të pendohen dhe të kërkojnë falje. Në Lutjen e Kumejlit, të Imam Aliut (*Paqja qoftë mbi*

---

<sup>2</sup> Sure “Ali Imran”, ajetet 135-136.

të!), thuhet: “O Zoti im! Falmi mëkatet që shkatërrojnë përfundimin e veprimeve të mira! O Zoti im! Falmi mëkatet që sjellin ndëshkimin! O Zoti im! Falmi mëkatet që tjetërsojnë mirësitë! O Zoti im! Falmi mëkatet që bllokojnë lutjen! O Zoti im! Falmi mëkatet që sjellin pësimin! O Zoti im! Falmi mëkatet që ndërpresin shpresën! O Zoti im! Më fal çdo mëkat që kam bërë dhe çdo gabim që më ka kaluar!”<sup>3</sup>

---

<sup>3</sup> Duaja e Kumejlit, f. 31, Botim i shoqatës “Flladi”.

## **Ë vërteta e pendimit dhe e faljes**

Nga ana gjuhësore, fjala “*et teubetu*” - “*pendim*” ka kuptimin: kthim nga bërja e gjynaheve.

Ndërsa fjala “*el magfiretu*” ka kuptimin: *mbulim*. Kjo do të thotë se i Plotfuqishmi i mbulon të këqijat e bëra nga njerëzit dhe i fal ato. Prej emrave të Allahut, janë: El Gaffar (Falës i Madh) dhe Et Teuabb (Pranuesi i pendimit).

Në terminologjinë fetare, fjala “*et teubetu*” ka kuptimin: kthim në rrugën e drejtë, pas devijimit.

Dijetarët e moralit e kanë përkufizuar pendimin: Braktisje e gjynahut dhe vendosmëri për të mos e bërë atë në të ardhmen.

Imam Khomeini ka thënë: “Pendimi (*et teubetu*) është prej pozitave të rëndësishme dhe të vështira. Ai ka kuptimin e kthimit nga bota materiale te ajo shpirtërore, pasi kjo anë dhe drita e natyrës së krijuar u mbulua nga perdet e

errëta, për shkak të bërjes së gjynaheve dhe mëkateve”.<sup>4</sup>

Pra, e vërteta e pendimit (et teubetu) është kthimi nga kundërshtimi te bindja dhe adhurimi i Allahut të Vetëm e të Pashoq. Allahu i Madhëruar thotë në Kur’an:

{وَتُوبُوا إِلَى اللَّهِ جَمِيعاً أَيُّهَا الْمُؤْمِنُونَ لَعَلَّكُمْ تُفْلِحُونَ}

“...Të gjithë ju, o besimtarë, kthehuni tek Allahu të penduar, që të arrini shpëtimin!”<sup>5</sup>

---

<sup>4</sup> “Erbaune Hadijthen”, f. 257.

<sup>5</sup> Sure “Nur”, ajeti 31.



## **Dispozita e pendimit (et teubetu)**

Kur një njeri është në moshë madhore, jo i çmendur, i ditur se nuk duhet bërë mëkat, nuk ka qenë i detyruar e as në pozitë të vështirë, që të kryejë mëkat, pra, i ka bërë me vetëdije, ai njeri quhet mëkatar dhe është detyrë e tij që të pendohet menjëherë dhe të kërkojë falje.

Njeriu konsiderohet mëkatar, nëse realizohen këto katër kushte:

1- Të ketë plotësuar moshën në të cilën kryhen detyrat e caktuara nga sheriati islam.

2- Të jetë i ditur për ndalimin e veprimit të mëkatit e të gjynahut dhe të mos jetë i paditur apo gabues.

3- Të jetë me fuqi mendore, kur e kryen mëkatin. Pra, e kryen mëkatin me vetëdije të plotë dhe me vendosmëri.

4- Të jetë i detyruar në kryerjen e gjynahut. Në Kur'an thuhet: **“Por kushdo që detyrohet nga nevoja të hajë ndonjë**

**gjë prej këtyre, pa dashur të bëjë gjynah dhe pa e kaluar kufirin, nuk do të fajësohet”.<sup>6</sup>**

Nëse plotësohen këto kushte te bërësi i gjynaheve, ai është gjynahqar dhe duhet të pendohet menjëherë.

---

<sup>6</sup> Sure “El Bekare”, ajeti 31.

## **Pendimi dhe kërkimi i faljes në Kur'an**

Kur'ani i shenjtë nxit për pendim.  
Pendimi në Kur'an përmendet 87 herë. 63 herë përmendet si folje dhe 24 herë si emër.

Në Kur'an thuhet:

{وَأَسْتَغْفِرُوا رَبَّكُمْ ثُمَّ تُوبُوا إِلَيْهِ إِنَّ رَبِّي رَحِيمٌ وَدُودٌ}

**“Kërkoni falje nga Zoti juaj e kthehuni me pendim tek Ai. Me të vërtetë, Zoti im është Mëshirëplotë dhe gjithë dashuri.”<sup>7</sup>**

---

<sup>7</sup> Sure “Hud”, ajeti 90.

Dhe:

{...وَتُوبُوا إِلَى اللَّهِ جَمِيعًا أَيُّهَا الْمُؤْمِنُونَ لَعَلَّكُمْ تُفْلِحُونَ}

**“Të gjithë ju, o besimtarë, kthehuni tek Allahu të penduar, që të arrini shpëtimin!”<sup>8</sup>**

Dhe:

{أَفَلَا يَتُوبُونَ إِلَى اللَّهِ وَيَسْتَغْفِرُونَ وَاللَّهُ عَفُورٌ رَحِيمٌ}

**“Përse ata nuk kthehen me pendesë tek Allahu e t’i kërkojnë falje Atij?! Allahu është Falës dhe Mëshirëplotë.”<sup>9</sup>**

---

<sup>8</sup> Sure “Nur”, ajeti 31.

<sup>9</sup> Sure “El Maide”, ajeti 74.

Këto ajete nxisin të gjithë njerëzit për pendim dhe për kërkim faljeje, qofshin të mëdha apo të vogla gjynahet.

Ajetet që përmendin pendimin dhe kthimin te Allahu (teuben), janë të shumta në Kur'anin e shenjtë. Po përmendim disa prej tyre:

لَا تَأْتِي التَّوْبَةَ عَلَى اللَّهِ لِلَّذِينَ يَعْمَلُونَ السُّوءَ بِجَهَالَةٍ ثُمَّ يَتُوبُونَ مِنْ قَرِيبٍ فَأُولَئِكَ يَتُوبُ اللَّهُ عَلَيْهِمْ وَكَانَ اللَّهُ عَلِيمًا حَكِيمًا.

**“Allahu është pranues i pendimit vetëm për ata që bëjnë ndonjë të keqe nga padituria dhe pendohen shpejt. Pra,**

këtyre Allahu ua pranon pendimin. Allahu është i Gjithëdijshtëm dhe i Urtë.”<sup>10</sup>

Dhe:

{وَالَّذِينَ إِذَا فَعَلُوا فَاحِشَةً أَوْ ظَلَمُوا أَنْفُسَهُمْ ذَكَرُوا اللَّهَ فَاسْتَغْفَرُوا  
لِنُفُوسِهِمْ وَمَنْ يَغْفِرِ اللَّهُ إِلَّا اللَّهُ وَلَمْ يُصِرُّوا عَلَىٰ مَا فَعَلُوا وَهُمْ  
يَعْلَمُونَ}.

“Për ata që, kur bëjnë vepra të turpshme ose i bëjnë dëm vetes, e kujtojnë Allahun, i kërkojnë falje për gjynahet e tyre - e

---

<sup>10</sup> Sure “En Nisa”, ajeti 17.

**kush i fal gjynahet përveç Allahut? - dhe nuk ngulmojnë me vetëdije në gabimet që kanë bërë.”<sup>11</sup>**

Dhe:

{إِلَّا مَنْ تَابَ وَآمَنَ وَعَمِلَ عَمَلًا صَالِحًا فَأُولَٰئِكَ يُبَدِّلُ اللَّهُ سَيِّئَاتِهِمْ حَسَنَاتٍ وَكَانَ اللَّهُ غَفُورًا رَحِيمًا}.

**“Përrjashtim bën ai që pendohet, beson dhe punon vepra të mira. Një njeriu të tillë Allahu ia ndërron veprat e këqija në**

---

<sup>11</sup> Sure “Ali Imran”, ajeti 135.



**të mira. Allahu është Falës e Mëshirëplotë.”<sup>12</sup>**

Dhe:

{قُلْ يَا عِبَادِيَ الَّذِينَ أَسْرَفُوا عَلَىٰ أَنفُسِهِمْ لَا تَقْنَطُوا مِن رَّحْمَةِ اللَّهِ إِنَّ  
اللَّهَ يَغْفِرُ الذُّنُوبَ جَمِيعًا إِنَّهُ هُوَ الْغَفُورُ الرَّحِيمُ}.

**“Thuaj: ‘O robtë e Mi, që i keni bërë keq vetes me gjynahe, mos e humbni shpresën në mëshirën e Allahut! Allahu, me siguri, i fal të gjitha gjynahet. Vërtet,**

---

<sup>12</sup> Sure “El Furkan”, ajeti 70.

**Ai është Falësi i madh dhe  
Mëshirëploti.”<sup>13</sup>**

---

<sup>13</sup> Sure “Ez Zumer”, ajeti 53.

## **Dobitë e pendimit dhe të kërkimit të faljes**

Pendimi dhe kërkimi i faljes ka dobi të mëdha për njeriun. Prej atyre dobive janë:

### **1- Mirësia dhe bereqeti**

Gjendet lidhje e fortë mes kërkimit të faljes dhe mes ndreqjes së shoqërisë, zbritjes së

bereqeteve dhe jetës së kënaqshme. Këtë e dëshmon Kur'ani i shenjtë:

{وَيَا قَوْمِ اسْتَغْفِرُوا رَبَّكُمْ ثُمَّ تُوبُوا إِلَيْهِ يُرْسِلِ السَّمَاءَ عَلَيْكُمْ مِدْرَارًا  
وَيُرِدِّكُمْ قُوَّةً إِلَى قُوتِكُمْ وَلَا تَتَوَلَّوْا مُجْرِمِينَ }

**“O populli im! Kërkoni falje nga Zoti juaj dhe kthehuni tek Ai të penduar, se Ai do t’ju sjellë shi të begatshëm dhe do t’ju shtojë fuqi mbi fuqinë tuaj. Mos u shmangni prej Atij duke qenë keqbërës!”<sup>14</sup>**

---

<sup>14</sup> Sure “Hud”, ajeti 52.

Imam Rizai (*Paqja qoftë mbi të!*) ka transmetuar se i Dërguari i Allahut (*Paqja e bekimi i Allahut qoftë mbi të dhe mbi familjen e tij!*) ka thënë: “Atë njeri që e mirëson Allahu me një mirësi, le ta falënderojë Allahun. Atij që i vonohet ardhja e riskut, le t’i kërkojë falje Allahut. Dhe ai që mërzitet prej diçkaje, le të thotë: ‘Nuk ka fuqi e as rrugëzgjdhje, veçse duke u mbështetur te Allahu’”.<sup>15</sup>

---

<sup>15</sup> “Biharul Enuar”, vëll. 90, f. 210.

## **2- Largimi i dënimit**

Prej dobive të kërkimit të faljes dhe pendimit është largimi i dënimit nga individi dhe nga bashkësia. Allahu i Madhëruar thotë në Kur'anin e shenjtë:

{مَا كَانَ اللَّهُ لِيُعَذِّبَهُمْ وَأَنْتَ فِيهِمْ وَمَا كَانَ اللَّهُ مُعَذِّبَهُمْ وَهُمْ يَسْتَغْفِرُونَ}

**“Por Allahu nuk do t’i ndëshkonte ata, përderisa ti ishe në mesin e tyre dhe, Allahu nuk do t’i ndëshkojë ata, përderisa ata i kërkojnë falje Atij.”<sup>16</sup>**

---

<sup>16</sup> Sure “El Enfal”, ajeti 33.

Imam Aliu (Paqja qoftë mbi të!) ka thënë: “Në tokë ishin dy siguri prej dënimit të Allahut. Njëri u largua dhe tjetri është i pranishëm, prandaj kapuni pas tij dhe zbatoheni atë. Për sa i përket atij që është larguar, ai është i Dërguari i Allahut (Paqja e bekimi i Allahut qoftë mbi të dhe mbi familjen e tij!). Kurse siguria që është e pranishme, është kërkimi i faljes”.<sup>17</sup>

---

<sup>17</sup> “Mijzanul Hikmeti”, vëll. 3, f. 2275.

### **3- Largimi i shejtanit**

Kërkimi i faljes e largon shejtanin dhe i shkatërron kurthet dhe intrigat e tij. Imam Sadiku (*Paqja qoftë mbi të!*) ka transmetuar se i Dërguari i Allahut (*Paqja e bekimi i Allahut qoftë mbi të dhe mbi familjen e tij!*) u tha shokëve të tij: “A t’ju lajmëroj për diçka, të cilën, nëse e veproni, e largon shejtanin prej jush, ashtu siç largohet lindja nga perëndimi?”

- Po, - i thanë ata.



- Agjërimi ia nxin atij fytyrën, sadakaja ia thyen atij shpinën, dashuria për hir të Allahut dhe vazhdimësia në bërjen e punëve të mira ia pret atij rrënjët dhe kërkimi i faljes (el istigfaru) ia pret atij aortën, - iu përgjigj i Dërguari i Allahut.<sup>18</sup>

#### **4- Falja e gjynaheve**

Nëse robi pendohet me pendim të sinqertë e të pakthyeshëm, Allahu ia fal të

---

<sup>18</sup> "Usulul Kafi", vëll. 4, f. 62.

gjitha gjynahet dhe të këqijat. Në Kur'anin e shenjtë thuhet:

يَا أَيُّهَا الَّذِينَ آمَنُوا تَوْبُوا إِلَى اللَّهِ تَوْبَةً نَّصُوحًا عَسَىٰ رَبُّكُمْ أَن يُكَفِّرَ  
عَنكُم سَيِّئَاتِكُمْ وَيُدْخِلَكُم جَنَّاتٍ تَجْرِي مِن تَحْتِهَا الْأَنْهَارُ.

**“O ju, që keni besuar! Kthehuni tek Allahu me një pendim të sinqertë, që Zoti juaj t’ju shlyejë gabimet e t’ju shpjerë në kopshte, nëpër të cilat rrjedhin lumenj...”<sup>19</sup>**

---

<sup>19</sup> Sure “Et Tahrijm”, ajeti 8.

## 5- Shndërrimi i të mirave në të këqija

Allahu i Madhëruar thotë në  
Kur'anin e shenjtë:

{إِلَّا مَنْ تَابَ وَآمَنَ وَعَمِلَ عَمَلًا صَالِحًا فَأُولَٰئِكَ يُبَدِّلُ اللَّهُ سَيِّئَاتِهِمْ  
حَسَنَاتٍ وَكَانَ اللَّهُ غَفُورًا رَحِيمًا}

“Përrjashtim bën ai që pendohet, beson dhe punon vepra të mira. Një njeriu të tillë Allahu ia ndërron veprat e këqija në të mira. Allahu është Falës e Mëshirëplotë.”<sup>20</sup>

---

<sup>20</sup> Sure “El Furkan”, ajeti 70.

Pa dyshim që ky është përgëzimi më i madh për ata që pendohen me sinqeritet, sepse pendimi i tyre është shndërrues i veprave të këqija në vepra të mira.

## **6- Pastrimi i zemrës**

Siç thuhet në transmetime të ndryshme, kërkimi i faljes pastron zemrën nga çdo papastërti dhe e keqe. I Dërguari i Allahut (*Paqja e bekimi Allahut qoftë mbi të dhe mbi familjen e tij!*) ka thënë: “Zemrat

*ndryshken si bakri, prandaj pastrojini ato me kërkimin e faljes (el istigfaru)".<sup>21</sup>*

### **Shkallët e pendimit**

Dijetari martir Destegijb ka përmendur katër shkallë të pendimit (et teubetu):

1- Kthimi nga mosbesimi në besim, nga politeizmi në besim të plotë dhe kthimi

---

<sup>21</sup> "Uesaili Shia", vëll. 7, f. 176.

nga çfarëdolloj besimi i kotë te besimi i vërtetë.

2- Kthimi nga mëkati, qoftë i vogël apo i madh, te bindja ndaj Krijuesit dhe kthimi nga kundërshtimi në zbatimin e urdhrave të Krijuesit.

3- Kthimi nga mosnjohja e Krijuesit, për shkak të neglizhencës apo kokëforcisë në njohjen e Krijuesit dhe kryerja e detyrave fetare e adhuruese në formë të përshtatshme.

4- Kthimi nga shkujdesja (gafleti) ndaj Krijuesit në përmendjen e Tij, nga të qenit larg Tij te afërsia e Tij, kthimi nga të qenit i rëndomtë ndaj Tij te të qenit besnik ndaj Tij. Të paktë janë ata që e perceptojnë këtë shkallë.

Siç e thamë edhe më lart, kuptimi i pendimit (et teubetu) është kthimi i robit te Krijuesi i tij, Allahu i Plotfuqishëm dhe heqja dorë nga bërja e gjynaheve dhe mëkateve. Në Kur'anin e shenjtë thuhet:

{إِلَّا الَّذِينَ تَابُوا وَأَصْلَحُوا وَبَيَّنُّوا فَأُولَٰئِكَ أَتُوبُ عَلَيْهِمْ وَأَنَا التَّوَّابُ  
الرحيمُ}

“Mirëpo atyre që pendohen, përmirësohen dhe tregojnë atë që kishin fshehur, Unë ua pranoj pendimin, sepse Unë jam Pranuesi i pendimeve dhe Mëshirëploti.”<sup>22</sup>

Në librin madhështor “Nehxhul Belaga” të Imam Aliut (*Paqja qoftë mbi të!*) tregohet kjo histori: Dikush tha në prani të Imam Aliut (*Paqja qoftë mbi të!*)

---

<sup>22</sup> Sure “El Bekare”, ajeti 160.



“Estagfirullah”. Imami i tha: “E lënç qyqe têt’ emë! S’e ditke ti, që **istighfari** është për njerëz në pozicion të lartë? Kjo fjalë përfshin gjashtë kuptime:

1- Pendimi për të shkuarën.

2- Vendimi i prerë për të mos u kthyer më pas.

3- Respektimi i gjithë të drejtave të njerëzve, për t’i shkuar Zotit krejt i pastër e pa llogari të papaguar.

4- Përmbushja e të gjitha detyrimeve të lëna pas dore dhe t'u japësh të drejtën që u takon atyre detyrimeve.

5- Zhveshja e trupit nga mishi i pamërituar e tretjen e tij në vrerin e pendimit, aq sa kocka dhe lëkura të bëhen prapë bashkë e midis tyre të rritet mish i pafajshëm.

6- Ta bësh trupin ta provojë mundimin e bindjes, siç e bëje më parë të pëlqente ëmbëlsinë e mosbindjes. Vetëm pas kësaj mund të thuhet 'estaghfirullah'".<sup>23</sup>

---

<sup>23</sup> "Nehxhul Belaga", Urtësia 417.

## **Pendimi i singertë** (*teubetu an nasuh*)

Allahu i Madhëruar thotë në Kur'anin e shenjtë:

{يَا أَيُّهَا الَّذِينَ آمَنُوا تَوْبُوا إِلَى اللَّهِ تَوْبَةً نَّصُوحًا}

**“O ju, që keni besuar! Kthehuni tek Allahu me një pendim të singertë...”<sup>24</sup>**

Ajeti në fjalë nxit për pendim të singertë, i cili është pendimi më i lartë.

---

<sup>24</sup> Sure “Et Tahrijm”, ajeti 8.

Kuptimi i këtij pendimi është që i penduari duhet të jetë i sinqertë në pendimin e tij dhe të mos ketë në të asnjë grimcë dyshimi.

Kur e kanë pyetur Imam Sadikun (*Paqja qoftë mbi të!*) për kuptimin e ajetit: **“O ju, që keni besuar! Kthehuni tek Allahu me një pendim të sinqertë...”**, ai ka thënë: *“Robi të pendohet për gjynahun dhe të mos rikthehet kurrë në bërjen e tij”*.<sup>25</sup>

Duhet që e brendshmja e të penduarit të jetë si e jashtmjja e tij. Imam

---

<sup>25</sup> “Usulul Kafi”, vëll. 2, f. 432.

Sadiku (*Paqja qoftë mbi të!*) ka thënë:  
“*Pendim i sinqertë do të thotë që e brendshmja  
e njeriut të jetë si e jashtmjja e tij, madje më e  
mirë*”.<sup>26</sup>

I Dërguari i Allahut (*Paqja e bekimi i  
Allahut qoftë mbi të dhe mbi familjen e tij!*) ka  
thënë: “*O njerëz! Pendohuni te Allahu me  
pendim të sinqertë para se të vdisni. Fillojeni  
ditën me punë të mira para se të  
punësoheni...*”<sup>27</sup>

---

<sup>26</sup> “Uesaili Shia”, vëll. 2, f. 77.

<sup>27</sup> “Irshadul Kulubi”, vëll. 2, f. 45.

Kështu që pendimi i sinqertë është një rrugë e plotë edukative, e cila fillon me shfaqjen e pendimit, vazhdon me zbatimin praktik të tij dhe përfundon me mbikëqyrjen e vetvetes dhe me llogaritjen e saj në çdo ditë.

Allahu na e pranofte pendimin dhe na i faltë gjynahet!

**40 HADITHE**  
**RRETH KËRKIMIT TË FALJES**  
**DHE PENDIMIT**

## Hadithi 1

### Porta e pendimit

I Dërguari i Allahut (*Paqja e bekimi i Allahut qoftë mbi të dhe mbi familjen e tij!*) ka thënë:  
“Porta e pendimit është e hapur”.<sup>28</sup>

١- قال رسول الله (صلى الله عليه و آله و سلم): "باب التَّوْبَةِ مَفْتُوحٌ."

---

<sup>28</sup> “Esh Shihab fi el Hikemi uel Adabi”, f. 18.



## Hadithi 2

### Ilaçi i gjynaheve

Imam Xha'ferr Sadiku (*Paqja qoftë mbi të!*) ka thënë: “Për çdo sëmundje ka ilaç dhe ilaçi i gjynahe është kërkimi i faljes (*el istigfaru*)”.<sup>29</sup>

٢- قال الإمام جعفر الصادق (عليه السلام):  
"يَكُلُّ دَاءٍ دَوَاءٌ وَ دَوَاءُ الذَّنْبِ الْإِسْتِغْفَارُ."

---

<sup>29</sup> “Theuabul A’malî”, f. 365.

## Hadithi 3

### Kuptimi i pendimit

Prijësi i besimtarëve, Imam Aliu (*Paqja qoftë mbi të!*), ka thënë: *“Pendimi (et teubetu) është të penduarit me zemër, kërkimi i faljes (el istigfaru) me gjuhë, braktisje me gjymtyrë dhe*

vendosmëria e moskthimit në bërjen e gjynaheve".<sup>30</sup>

٣- قال امير المؤمنين الإمام علي (عليه السلام):  
"التَّوْبَةُ نَدَمٌ بِالْقَلْبِ وَ اسْتِغْفَارٌ بِاللِّسَانِ وَ تَرْكٌ بِالْجَوَارِحِ، وَ إِضْمَارٌ أَنْ لَا يَعُودَ."

---

<sup>30</sup> "Fehres El Gurer", f. 39.

## Hadithi 4

### Ndikimi i pendimit

I Dërguari i Allahut (*Paqja e bekimi i Allahut qoftë mbi të dhe mbi familjen e tij!*) ka thënë:  
“I penduari nga gjynahu është si ai që nuk ka bërë gjynahe”.<sup>31</sup>

٤- قال رسول الله (صلى الله عليه وآله وسلم):  
"الْتَّائِبُ مِنَ الذَّنْبِ كَمَنْ لَا ذَنْبَ لَهُ."

---

<sup>31</sup> “Esh Shihab fi el Hikemi uel Adabi”, f. 18.

## Hadithi 5

### Vonesa e pendimit

Imam Xheuadi (*Paqja qoftë mbi të!*) ka thënë: “*Vonesa e pendimit është mashtrim*”.<sup>32</sup>

٥- قال الإمام الجواد (عليه السلام): "تَأخِيرُ التَّوْبَةِ إِعْتِرَازٌ."

---

<sup>32</sup> “Tuhfel Ukul”, f. 480.

## Hadithi 6

### *Pendimi dhe besimi*

Imam Aliu (*Paqja qoftë mbi të!*) ka thënë: “*Ai që e zvarrit pendimin, nuk ka fe (nuk ka besim)*”.<sup>33</sup>

٦- قال الإمام علي (عليه السلام): "لَا دِينَ لِمُسَوِّفٍ بِتَوْبَتِهِ."

---

<sup>33</sup> “Fehrest el Gurer”, f. 40.

## Hadithi 7

### Devotshmëria dhe pendimi

Imam Hasan El Muxhteba (*Paqja qoftë mbi të!*) ka thënë: “Devotshmëria është porta e çdo pendimi”.<sup>34</sup>

٧- قال الإمام الحسن المجتبي (عليه السلام): "التَّقْوَى بَابُ كُلِّ تَوْبَةٍ."

---

<sup>34</sup> “Biharul Enuar”, vëll. 78, f. 110.

## Hadithi 8

### Prania e pendimit

I Dërguari i Allahut (*Paqja e bekimi i Allahut qoftë mbi të dhe mbi familjen e tij!*) ka thënë: “Për sa kohë që shpirti është i pranishëm, pendimi ka vend në trup”.<sup>35</sup>

٨ قال رسول الله (صلى الله عليه وآله وسلم):  
"التوبة معروضة في الجسد مادام الروح فيها."

---

<sup>35</sup> “Biharul Enuar”, vëll. 63, f. 220.



## Hadithi 9

### Besimtari dhe besimtarja

Imam Rizai (*Paqja qoftë mbi të!*) ka thënë:  
“Nuk ka gjë më të dashur te Allahu se sa  
besimtari i penduar dhe besimtarja e  
penduar”.<sup>36</sup>

٩- قال الإمام الرضا (عليه السلام):

“لَيْسَ شَيْءٌ أَحَبُّ إِلَى اللَّهِ مِنْ مُؤْمِنٍ تَائِبٍ أَوْ مُؤْمِنَةٍ تَائِبَةٍ.”

---

<sup>36</sup> “Sefijnetu Nexhat”, vëll.1, f. 126.

## Hadithi 10

### *Pishmanllëku është pendim*

I Dërguari i Allahut (*Paqja e bekimi i Allahut qoftë mbi të dhe mbi familjen e tij!*) ka thënë:  
*“Të bëhesh pishman nga gjynahu është pendim”*.<sup>37</sup>

۱۰- قال رسول الله (صلى الله عليه و آله و سلم: "التَّائِبُ تَوْبَةً."

---

<sup>37</sup> “Tuhful Ukuli”, f. 55; “Esh Shihab fil hikemi uel adabi”, f. 9.

## Hadithi 11

### Pishmani dhe falja

Imam Xha'ferr Sadiku (*Paqja qoftë mbi të!*) ka thënë: “*Cilido rob që bëhet pishman për gjynahun që ka bërë, Allahu do ta falë atë para se ai të kërkojë falje*”.<sup>38</sup>

۱۱- قال الإمام جعفر الصادق (عليه السلام):

"ما من عبدٍ أذنبَ ذنباً فنَدِمَ عَلَيْهِ إِلَّا عَفَّرَ اللَّهُ لَهُ قَبْلَ أَنْ يَسْتَغْفِرَ."

---

<sup>38</sup> “Xhamiul Ehadith esh Shia”, vëll. 14, f. 338.

## Hadithi 12

### *Aromatizuesi dhe demaskimi*

Imam Rizai (*Paqja qoftë mbi të!*) ka thënë:  
*“Parfumohuni me kërkimin e faljes (el istigfaru), që të mos ju demaskojnë erërat e gjynaheve”*.<sup>39</sup>

١٢- قال الإمام الرضا (عليه السلام):

”تَعَطَّرُوا بِالِاسْتِغْفَارِ وَلَا تَفْضَحْكُمْ رَوَائِحُ الذُّنُوبِ.”

---

<sup>39</sup> “Xhamiul Ehadith esh Shia”, vëll. 14, f. 337.

## Hadithi 13

### Pendimi i menjëhershëm

Imam Zejnul Abidini (Paqja qoftë mbi të!) ka thënë: “Ai që i frikësohet zjarrit, menjëherë të pendohet te Allahu për gjynahet e tij dhe të heqë dorë nga bërja e veprave të ndaluara”.<sup>40</sup>

١٣- قال الإمام زين العابدين (عليه السلام):  
"مَنْ أَشْفَقَ مِنَ النَّارِ بَادَرَ بِالتَّوْبَةِ إِلَى اللَّهِ مِنْ ذُنُوبِهِ وَ رَاجَعَ عَنِ الْمَحَارِمِ."

---

<sup>40</sup> "Tuhsul Ukuli", f. 289.

## Hadithi 14

### Braktisja e së keqes

Imam Aliu (*Paqja qoftë mbi të!*) ka thënë:  
“Pendimi ndaj të keqes bëhet shkak i braktisjes  
së saj”.<sup>41</sup>

١٤- قال الإمام عليه السلام: "إِنَّ التَّدَمَّ عَلَى الشَّرِّ يَدْعُو إِلَى تَرْكِهِ."

---

<sup>41</sup> “Usulul Kafi”, vëll. 4, f. 19.

## Hadithi 15

### E brendshmja dhe e jashtmj

Imam Hadi (*Paqja qoftë mbi të!*) ka thënë:  
“Pendimi me sinqeritet është kur e brendshmja  
është si e jashtmj, madje dhe më e mirë”.<sup>42</sup>

١٥- قال الإمام الهادي (عليه السلام):  
"التَّوْبَةُ التَّصَوُّحُ أَنْ يَكُونَ الْبَاطِنُ كَالظَّاهِرِ وَ أَفْضَلَ مِنْ ذَلِكَ."

---

<sup>42</sup> “Sefijnetu Nexhat”, vëll. 1, f. 126.

## Hadithi 16

### Pohimi dhe pendimi

Imam Aliu (*Paqja qoftë mbi të!*) ka thënë:  
“Pohuesi i gjynahut është i penduar”.<sup>43</sup>

١٦- قال الإمام علي عليه السلام: "المُتَّعِرُ بِالدُّنُوبِ تَائِبٌ."

---

<sup>43</sup> “Fehrsul Gurer”, f. 126.



## Hadithi 17

### Të qarët nga gjynahu

Imam Aliu (*Paqja qoftë mbi të!*) ka thënë: “I lumtur është ai që qan (bëhet pishman) për gjynahet e tij dhe njerëzit janë të sigurt nga e keqja e tij”.<sup>44</sup>

١٧- قال الإمام (عليه السلام): "طوبى لمن بكى على خطيئته و أمن الناس شره".

---

<sup>44</sup> “Men la jehdheruhul Fakijh”, vëll. 4, f. 405.

## Hadithi 18

### Ripërtëritja e pendimit

Imam Muhamed Bakiri (*Paqja qoftë mbi të!*)  
ka thënë: *“Sa herë që besimtari e ripërtërin  
kërkimin e faljes dhe pendimin, Allahu ia  
ripërtërin atij faljen”*.<sup>45</sup>

١٨- قال الإمام محمد الباقر (عليه السلام):  
«كَلَّمَا عَادَ الْمُؤْمِنُ بِالإِسْتِغْفَارِ وَالتَّوْبَةِ عَادَ اللهُ عَلَيْهِ بِالمَغْفِرَةِ».

---

<sup>45</sup> “Sefijnetu Nexhat”, vëll. 1, f. 127.

## Hadithi 19

### Shërimi nga gjynahet

Imam Aliu (Paqja qoftë mbi të!) ka thënë:  
“Gjynahet janë sëmundje, ilaçi është kërkimi i faljes dhe shërimi është moskthimi në veprimin e tyre (gjynaheve)”.<sup>46</sup>

١٩- قال الإمام علي (عليه السلام):

“الدُّنُوبُ الدَّاءُ وَالدَّوَاءُ الِاسْتِغْفَارُ وَ الشِّفَاءُ أَنْ لَا تَعُودَ.”

---

<sup>46</sup> “Xhamiul Ehadith esh Shia”, vëll. 14, f. 328.

## Hadithi 20

### Tallja me vetveten

Imam Rizai (*Paqja qoftë mbi të!*) ka thënë:  
“Kush këmbëngul në bërjen e mëkateve dhe (në këtë gjendje) i kërkon falje Zotit të tij, ai tallet me veten e tij”.<sup>47</sup>

٢٠- قال الإمام الرضا (عليه السلام):

”مَنْ أَصْرَّ عَلَى الْمَعَاصِي وَ طَلَبَ الْعَفْوَ مِنْ رَبِّهِ وَ لَمْ يَتُبْ فَقَدْ اسْتَهْرَأَ بِنَفْسِهِ.“

---

<sup>47</sup> “El Meuaidhu el Adedijeh”, f. 200.

## Hadithi 21

### Gjynahet e shumta dhe pendimi

I Dërguari i Allahut (*Paqja e bekimi i Allahut qoftë mbi të dhe mbi familjen e tij!*) ka thënë:  
“Nëse bëni gjynahe dhe ato arrijnë deri në qiell e pastaj pendoheni, Allahu do t’ua pranojë juve pendimin”.<sup>48</sup>

٢١- قال رسول الله (صلى الله عليه وآله وسلم):  
"أَوْ عَمِلْتُمْ الْخَطَايَا حَتَّى بَلَغَ إِلَى السَّمَاءِ ثُمَّ نَدِمْتُمْ لَنَابِ اللَّهِ عَلَيْكُمْ."

---

<sup>48</sup> "Lealij Akhbar", vëll. 1, f. 364.

## Hadithi 22

### Kujdesi ndaj besimtarëve

Imam Muhamed Bakiri (*Paqja qoftë mbi të!*) ka thënë: *“Allahu është Falës dhe Mëshirëplotë. E pranon pendimin dhe i fal të këqijat, prandaj bëj kujdes dhe mos i bëj besimtarët të humbin shpresën nga mëshira e Allahut”*.<sup>49</sup>

٢٢- قال الإمام محمد الباقر (عليه السلام) :

”لَنْ يَغْفِرَ اللَّهُ غَفْوَرًا رَحِيمًا يَقْبَلُ التَّوْبَةَ وَيَعْفُو عَنِ السَّيِّئَاتِ فَإِنَّا لَأَنْ تَقْبَلَ الْمُؤْمِنِينَ مِنْ رَحْمَةِ اللَّهِ.“

---

<sup>49</sup> “Sefijnetu Nexhat”, vëll. 1, f. 127.

## Hadithi 23

### Allahu e do të penduarin e sinqertë

Imam Xha'ferr Sadiku (*Paqja qoftë mbi të!*) ka thënë: “Nëse robi pendohet me pendim të sinqertë, atë e do Allahu dhe ia mbulon të këqijat në këtë jetë dhe në Jetën Tjetër”.<sup>50</sup>

٢٣- قال الإمام جعفر الصادق (عليه السلام):  
"إِذَا تَابَ الْعَبْدُ تَوْبَةً نَّصُوحاً أَحَبَّهُ اللَّهُ فَسَتَرَ عَلَيْهِ فِي الدُّنْيَا وَالْآخِرَةِ."

---

<sup>50</sup> “Usulul Kafi”, vëll. 4, f. 162.

## Hadithi 24

### 1 riu i penduar

Imam Xha'ferr Sadiku (*Paqja qoftë mbi të!*) ka thënë: “Allahu e do robin e sprovuar e të penduar. Ai që nuk bën gjynahe, është më i mirë se ky (i riu i penduar)”.<sup>51</sup>

٢٤- قال الإمام جعفر الصادق (عليه السلام):  
"لَنْ يَحِبَّ اللَّهُ يُحِبُّ الْعَبْدَ الْمُفْتِنَ التَّوَابَ وَ مَنْ لَمْ يَكُنْ ذَلِكَ مِنْهُ كَانَ أَفْضَلَ."

---

<sup>51</sup> “Usulul Kafi”, vëll. 4, f. 168.



## Hadithi 25

### Falja e mëkatit pas një kohe të gjatë

Imam Xha'ferr Sadiku (*Paqja qoftë mbi të!*) ka thënë: “Kur besimtari bën një gjynah dhe atë gjynah e kujton pas njëzet vjetësh, i kërkon falje Allahut, Allahu do t’ia falë atij”.<sup>52</sup>

٢٥- قال الإمام جعفر الصادق (عليه السلام):

"إِنَّ الْمُؤْمِنَ لَيُذْنِبُ الذَّنْبَ فَيَذْكُرُ بَعْدَ عِشْرِينَ سَنَةً فَيَسْتَغْفِرُ اللَّهَ مِنْهُ فَيَغْفِرُ لَهُ."

---

<sup>52</sup> “Usulul Kafi”, vëll. 4, f. 171.

## Hadithi 26

### Shumëfishimi i të mirave

Imam Aliu (*Paqja qoftë mbi të!*) ka thënë:  
“Pastrojini zemrat tuaja nga papastërtitë e të  
këqijave, që t’ju shumëfishohen të mirat”.<sup>53</sup>

٢٦- قال الإمام علي (عليه السلام):

”طَهِّرُوا قُلُوبَكُمْ مِنْ دَرَنِ السَّيِّئَاتِ تُضَاعَفْ لَكُمْ الْحَسَنَاتُ.“

---

<sup>53</sup> “Fehresul Gureri”, f. 127.

## Hadithi 27

### Pendimi dhe vdekja

Imam Aliu (*Paqja qoftë mbi të!*) ka thënë: “*Ne duam të pendohemi, derisa të vdesim, ndërsa nuk pendohemi, derisa të vdesim*”.<sup>54</sup>

٢٧- قال الإمام علي (عليه السلام):  
"أَحْسُنْ تُرِيدُ أَلَّا تَمُوتَ حَتَّى تَتُوبَ وَ أَحْسُنْ لِأَنْتَ تَتُوبُ حَتَّى تَمُوتَ."

---

<sup>54</sup> “Sherh Hadijdi”, vëll. 20, f. 329.

## Hadithi 28

### Pendimi dhe përgjigja e lutjes

I Dërguari i Allahut (*Paqja e bekimi i Allahut goftë mbi të dhe mbi familjen e tij!*) ka thënë: “*Tre personave u gjen përgjigje lutja e tyre: njeriu bujar, i sëmuri dhe i penduari (nga gjynahet)*”.<sup>55</sup>

٢٨- قال رسول الله (صلى الله عليه وآله وسلم):

ثلاثة لا تردُّ لهم دعوة: السَّحِيُّ وَ الْمَرِيضُ وَالتَّائِبُ.

---

<sup>55</sup> “Meuaidhu adedijeh”, f. 10.

## Hadithi 29

### Pendimi dhe vdekja e papritur

I Dërguari i Allahut (*Paqja e bekimi i Allahut goftë mbi të dhe mbi familjen e tij!*) ka thënë:  
“Mos e vono pendimin, sepse vdekja vjen papritur”.<sup>56</sup>

٢٩- قال رسول الله (صلى الله عليه وآله وسلم):  
"لَا تُؤَخِّرِ التَّوْبَةَ فَإِنَّ الْمَوْتَ يَأْتِي بَغْتَةً."

---

<sup>56</sup> “Xhamiul Ehadijthu esh Shia”, vëll. 14, f. 337.

## Hadithi 30

### 1 lumturi në Ditën e Kiametit

I Dërguari i Allahut (*Paqja e bekimi i Allahut goftë mbi të dhe mbi familjen e tij!*) ka thënë: *“Lum ai njeri që në Ditën e Kiametit, në librin e veprave të tij, poshtë çdo gjynahu gjendet thënia: ‘I kërkoi falje Allahut (estagfirullah)’”*.<sup>57</sup>

۳۰- قال رسول الله (صلى الله عليه و آله و سلم): " طُوبَى لِمَنْ وَجَدَ فِي صَحِيفَةِ عَم

إِلَى يَوْمِ الْقِيَامَةِ تَحْتَ كُلِّ ذَنْبٍ «استغفر الله» "

---

<sup>57</sup> “Tefsirul Muktenijat”, vëll. 1, f. 89.

## Hadithi 31

### Pendimi në frymën e fundit

I Dërguari i Allahut (*Paqja e bekimi i Allahut qoftë mbi të dhe mbi familjen e tij!*) ka thënë: “Zoti e pranon pendimin e robit të Tij, përderisa nuk ka dhënë shpirt (*deri në frymën e fundit*)”.<sup>58</sup>

۳۱- قال رسول الله (صلى الله عليه وآله وسلم):

“إِنَّ اللَّهَ يَقْبَلُ تَوْبَةَ عَبْدِهِ مَا لَمْ يُغْرَعْ.”

---

<sup>58</sup> “Shihabul Akhbari”, f. 366.

## Hadithi 32

### *Pendimi dhe shënimi i gjynahut*

Imam Xha'ferr Sadiku (*Paqja qoftë mbi të!*) ka thënë: *“Kur robi bën një gjynah, Allahu ia vonon shtatë orë (shënimin e tij). Po të kalojnë orët dhe ai i kërkon falje Allahut, ai gjynah nuk i shënohet. Nëse kalojnë orët dhe ai nuk i kërkon falje Allahut, atij do t'i shënohet një e keqe”.*<sup>59</sup>

---

<sup>59</sup> “Lealij Akhbar”, vëll. 1, f. 372.



٣٢- قال الإمام جعفر الصادق (عليه السلام):  
"إِنَّ الْعَبْدَ إِذَا أَذْنَبَ ذَنْبًا أَجَّاهُ اللَّهُ سَعَى سَاعَاتٍ فَإِنْ اسْتَغْفَرَ اللَّهُ لَمْ يُكْتَبْ عَلَيْهِ شَيْءٌ  
وَإِنْ مَضَتِ السَّاعَاتُ وَ لَمْ يَسْتَغْفِرْهُ كُتِبَ عَلَيْهِ سَيِّئَةٌ."

## Hadithi 33

### Pendimi i singertë

Imam Musa ibn Xha'ferri (*Paqja qoftë mbi të!*) ka thënë: *"Pendim i singertë është që robi të pendohet për gjynahun e bërë dhe të mos kthehet përsëri te ai"*.<sup>60</sup>

٣٣- قال الإمام موسى بن جعفر (عليه السلام):  
"التَّوْبَةُ النَّصُوحُ أَنْ يَتُوبَ الْعَبْدُ مِنَ الذَّنْبِ ثُمَّ لَا يَعُودُ إِلَيْهِ."

---

<sup>60</sup> "Usulul Kafi", vëll. 4, f. 165.

## Hadithi 34

### Kush është besimtar?

Imam Rizai (*Paqja qoftë mbi të!*) ka thënë:  
*“Besimtar është ai që, kur bën mirë, është në gjendje të mirë dhe, kur bën një të keqe, kërkon falje”*.<sup>61</sup>

٣٤- قال الإمام الرضا (عليه السلام):  
"الْمُؤْمِنُ إِذَا أَحْسَنَ اسْتَبْشَرَ وَ إِذَا أَسَاءَ اسْتَعْفَرَ."

---

<sup>61</sup> "Biharul Enuar", vëll. 71, f. 259.

## Hadithi 35

### *Porta e pendimit dhe e kërkimit të faljes*

Imam Aliu (*Paqja qoftë mbi të!*) ka thënë:  
*“Nuk mund të ndodhë që Zoti i Gjithëfuqishëm  
t’ia mbajë hapur njeriut derën e pendesës e t’i  
mbyllë derën e ndjesës”*.<sup>62</sup>

۳۵- قال الإمام علي (عليه السلام):

“ما كان الله ليُفْتَحَ لِعَبْدٍ بَابُ التَّوْبَةِ وَ يُغْلَقَ عَنْهُ بَابُ الْمَغْفِرَةِ.”

---

<sup>62</sup> “Nehxhul Belaga”, Urtësia 435.

## Hadithi 36

### Gjynahqari më i mirë

I Dërguari i Allahut (*Paqja e bekimi i Allahut qoftë mbi të dhe mbi familjen e tij!*) ka thënë:  
“Të gjithë bijtë e Ademit bëjnë gjynahe dhe gjynahqari më i mirë është ai që pendohet”.<sup>63</sup>

۳۶. قال رسول الله ( صلى الله عليه وآله ):

“كل بني آدم خطأ وخير الخطائين التوابون.”

---

<sup>63</sup> “Ed Durrul Menthur”, vëll. 1, f. 626.

## Hadithi 37

### *Shenjat e të penduarit*

I Dërguari i Allahut (*Paqja bekimi i Allahut qoftë mbi të dhe mbi familjen e tij!*) ka thënë:  
*“Për sa u përket shenjave të të penduarit, ato janë katër: këshillimi për hir të Allahut para se të bëjë veprat e tij; braktisja e të kotës; zbatimi i*

të drejtës, të vërtetës dhe kujdesi për të bërë të mira".<sup>64</sup>

٣٧- قال رسول الله ( صلى الله عليه وآله ):  
"أما علامة التائب فأربعة : النصيحة لله في عمله ، وترك الباطل ، ولزوم الحق ، وا  
لحرص على الخير."

---

<sup>64</sup> "Tuhuful Ukul", f. 20.

## Hadithi 38

### Gjynahu që askush nuk e di

Imam Aliu (*Paqja qoftë mbi të!*) ka thënë: “*I lumtur është ai rob që i kërkon falje Allahut për atë gjynah që nuk e di askush tjetër*”.<sup>65</sup>

٣٨- قال الإمام علي (عليه السلام):  
"طوبى لِعَبْدٍ يَسْتَغْفِرُ اللَّهَ مِنْ ذَنْبٍ لَمْ يَطَّلِعْ عَلَيْهِ غَيْرُهُ."

---

<sup>65</sup> “Xhamiul Ehadijth esh Shia”, vëll. 14, f. 332.



## Hadithi 39

### Gjynahqari pohues dhe i binduri krenar

Imam Aliu (*Paqja qoftë mbi të!*) ka thënë:  
“Gjynahqari që pohon (*pranon*) gjynahun e tij,  
është më i mirë se sa i binduri që krenohet me  
veprën e tij”.<sup>66</sup>

۳۹- قال الإمام علي (عليه السلام):  
"عاص يقر بذنبه خير من مطيع يفتخر بعمله."

---

<sup>66</sup> “Gurerul Hikem”, Hadithi 6334.

## Hadithi 40

### Zvarritja e pendimit

Imam Xheuadi (*Paqja qoftë mbi të!*) ka thënë:  
“Vonesa e pendimit është mashtrim dhe  
zvarritja e gjatë është hutim”.<sup>67</sup>

٤٠- قال الإمام الجواد ( عليه السلام ):  
"تأخير التوبة اغترار ، وطول التسوية حيرة ."

---

<sup>67</sup> "Tuheful Ukul", f. 456.

اسم الكتاب: اربعون حديث عن التوبة و الإستغفار

ترجمة الأحاديث: الشيخ ولنت (عباس) مريا

التصحیح الادبی: یریدا کولا

التصحیح اللغوی: ویولسا کارای

الإخراج النهائي: صبریه فزا

الغلاف: صبریه فزا

الناشر: جمعیت نسیم

تیرانا: 2023